



# Bolo leyi nga lahleka



**Ruth Legae**





Yi yimile ku tsutsuxa. Nkanelo na ndzisana ya yena ya xisati Nkavelo va tsakile. Va nyanyukele ku ya tlanga bolo ya milenge ehandle. Mbyana ya vona, Rivi, u tsakela ku tlanga bolo na vona. Va lava bolo kambe a va yi kumi.





Bolo yi lahlekile. Nkanelo na ndzisana ya yena Nkavelo, va hlamala. Rivi, n'wa-mbyana, u va honokerile. A va switivi leswaku va ta sungula kwihi ku lava?

“Xana hi ya lava kwihi?” ku vutisa Nkavelo.



Va languta eka thini ra malakatsa, a yi kona.  
Rivi wa va landzela a ri karhi a lava bolo.  
Bolo a yi kumeki helo.





Rivi u ringeta ku tluca darata ya muakelana ku va a languta bolo.

Nkanelo na ndzisana ya yena Nkavelo, va n'wu vitana, "Vuya, Rivi!"



“Rivi wa tlhelela. Nkavelo u ehlekete hi kungu.

“Ndzi ya languta ehansi ka movha.”





Nkavelo u kasa ehansi ka movha a lava bolo.  
U kasa a tthelela endzhaku. Swiambalo swa  
yena swi tele hi ndzhope. A nga tsakanga.  
Bolo a yi kumeki ka helo.



Rivi wa nyandlamela na ku ringeta ku tlula darata a ya ejarateni ra muakelana nakambe. Nkavelo na Nkanelo va n'wu vuyisa, “Vuya Rivi, u ta vaviseka.”

Rivi wa vuya. Bolo a yi kumeki ka helo!







Nkanelo na Nkavelo va tshama hansi  
exitupini na Rivi.

Nkanelo u huwelela tata wa yena, “Tatana!  
Tatana! Bolo yi lahlelele.”



Tatana wa vona u languta bolo eka thini ro  
hoxa malakatsa. Rivi wa n'wi landzela loko a  
ri karhi a lava.





Bolo ya ha nyamalarile. Rivi u na kungu. U tlurile hi laha a nga kota ha kona. U tlurile darata ya muakelani. Nkanelo na Nkavelo a va n'wu vonanga.



I tatana a ri yexe a kotaka ku n'wi vona loko a tlula darata.

Nkanelo u vutisa tata wa yena, “Xana Rivi u le kwihi?”

“U tlurile darata a ya eka muti ya muakelana.”

“A hi n'wu landzeli, Nkanelo,” ku vula Nkavelo.





Nkanelo and Nkavelo va landzelela Rivi ku ya eka muti wa muakelana. Rivi u yimile kusuhi na bolo.

U le ku vukuleni, *Huu! Huu!* U vukula bolo.



Ariyeee, hi leji bolo! Rivi u kumile bolo. Rivi u khoma bolo hi nomo wa yena kutani va ya ekaya. Nkavelo u bambetela Rivi nhlana a n'wi khensisa.





Nkanelo u vitanile tatana wa vona.

“Rivi u kumile bolo.”

“Xana u yi kume kwihi?” ku vutisa tata wa vona.

“U yi kumile ejarateni ra muakelana,”  
Nkanelo a hlamula.

Tata wa vona u tlangerile na vona.



Hi vunharhu bya vona va sungurile ku tlanga  
bolo ya milenge. Va tlangile swin'we ku  
kondza va karhala.

